

## САҢАН ДОРО БАЙРЛАДАГ ШУБУУД

Нэгэтэ иимэ ушар болоһон юм: би санаар ой соогуур ябажа ябабаб. Наратайшые наа, янгинама хүйтэн үдэр байгаа. Үндэрнүүд модотой ойн нэгэ ехэ соорхой соо орошобоб. Харан гэхэмни, хуранууд хуһанай гүлгэдые түүжэ эдижэ һуубад. Яажа тэдээндэ дүтэлхэмни ааб гэжэ һанаата боложо зогсобооб. Тэдэмни гэнтэ доошоо дэрд гэжэ унаад, хуһанай узуурта саһан соо үгы болошобод. Хойноһоонь харсага шумайн, хуһан доро буушаба, иишэ тишээ саһан соогуур ябасагаана. Эгээл хурануудай тархи дээгүүр ябана, теэд саһа нүхэлөөд барижархиха арга яашые һанаандань ороногүй. Би ехэл һонирхожо харабаб.

Хуранууд саһан доро гэр байртай байгаа.